

柳州府志卷之二十九

隱逸

附仙釋

古之所謂高士者自巢許隨光以迄沮溺陸通各有傳載夔乎尚已厥後煙波釣叟江湖散人類皆潛靈山谷養素杯泉寧曳尾於塗中毋被繡而入廟此雖賢智之過哉亦時使之然也柳郡多佳山水沉淪枯槁之徒往往放懷肆志於其間與春風秋月相往還白石清泉為儕偶不求人知人卒罕有知者以此全其真而名後世嗚呼致足高矣視

柳州府志

卷之二十九

隱逸

附仙釋

一

世之抗塵容走俗狀者不幾有仙凡之別耶或曰緇流羽士中殆隱君子所托而逃焉者乎則其說固未可盡非也志隱逸

宋

韋允來賓人性質素以耕為業常手執一卷於秉耒之暇誦讀之徜徉自適不求聞達於世平居教子義方且耕且讀族漸蕃衍令邑中以韋為著姓皆其後裔云

權度字靜山來賓人探花權鳳之孫也性敏好學

能文章有才辨屢舉不第即隱居課子與郡城徐鹿塘羅西泉輩詩酒往還為雲霞之友性淡素與人無競以上壽終

李清來賓人少好學屏絕人事讀書白雲洞不樂仕進年逾七十猶手不釋卷葛巾野服逍遙閒曠望若神仙

國朝

李文彧字簡齋清流白馬人少從粵東舉人殷弼遊不求仕進好吟詠屐齒所歷興到筆隨晚年自

柳州府志

卷之二十九

隱逸

附仙釋

二

號壽溪野人著有壽溪草五卷

仙釋

甘陸象州古車村人有志畧時柳州為南漢所據詔陸出征每以術得捷拜護國將軍及歸里決禍福處先知如神州人立廟祀之

甘仙陸之姪也家富好施貧而告者未嘗少吝性靈異決禍福無不奇中一日聚鄰里告曰吾厭世矣示衆以修身事言訖瞑目而逝鄉人設廟像祀之後封惠濟感應侯元加封孚應惠濟聖公明加

封王號

于道士象州人宋乾德間隱西山巖修道白日飛昇

獨傲仙女象州馮六村人宋乾德間傲氏與嫂獨孤氏赴天蓋山採葛飲泉見雙鯉戲水取之墮泉中獨孤氏救之亦墮經月餘乃於空中呼父母曰吾仙女也有過謫人間數滿當還象人因名其山曰獨傲山

武志士來賓人修煉於武神山每出赴齋供即架

柳州府志

卷之二十九

隱逸

附仙釋

三一

青布幕為橋去地六七尺市人見而奇之越數年道成宋元祐初白日上昇

杜應然宋武林人隨父宦遊流寓廣西專心慕道寄跡黃冠中遍遊天下名山嘉定間始來融州居真仙巖一日洞水泛得聚寶物曰龍麟因以貲修街建橋及巖內樓閣亭臺羽化之日將寶物送貯融庫倏然風雷取去遂號其地為朝天門

李賤子宋融縣人幼孤育於陽氏長傭於龍家性善臥田野不治龍氏責之賤子結草為人為牛置

田間一日而耕犁蒔插俱遍龍懼遣歸為人却邪祛疫不假符呪立驗年八十餘卒葬時舉棺甚輕妻覃氏亦有異術後二載卒遺有草書數十字類符篆邑人奉之者不食牛肉

佛日禪師來賓縣金華峯第一代祖有戒行紹興中於獅子山文殊菴端坐而逝留偈云落落托托上無把捉出沒太虛無繫無縛鐵馬倒地誰人謨索

蔣法官明融縣人有道術能致天神歲旱祈雨秋

陽正烈法官書符篆焚之向空吒咤則雷雨立至平地水深三尺嘗駕白虎一夜抵省赴三司召命梁熹吳輔宋末融縣人甚驍雄捕盜數有功後戰歿累著靈應嘉熙四年俱封侯廟食至今猶顯玉融有一洞在半山其埋首處也每歲鄉人常見其出入其出也千乘萬騎戈甲旌旗光耀奪目最後執二黃繖者出則二神繼出隨從擁護旛旛繚繞莫知其數其入也亦然樵採遇之輒大病鄉人云若見其歸則其年邑中豐稔少疾疫盜賊之事若

見其出則不利蓋常先兆示於民云
盧登象州人隱清念山修道術虎常蹲伏菴旁登
山虎為之守菴

柳州府志

卷之二十九

隱逸

附仙釋

五

柳州府志卷之二十九終